

Na dùmeneche pòmèrigge.

L'ha mann't Pepp' Nesta
domenica 23 novembre 2008

Mudù cè fridde ca fàce … ma stè appezzecate ù vraciere?

Nòssacce, mò vòca ‘vvede … naaa … ma ci jè stù pacce ca ha ‘ppirte ‘a fenestre … ma ce hame studechite?

Je haghije state mà … ma nò stè ‘ssendite ca nonge se pò resperà? … manghe pròpre ‘arie!

Vabbeh ca ne pùtive pùre cercà ù permesse àpprime?

See papà … je diche ca cè nonge tràsche je ijndre ‘a stà càse ògnettande, quacche vòte ‘haghija trovà ‘mbasulite accome ‘a dò mummie! … ma ve rendite cùnde cà ‘anedride carboneche jè velenose e manghe te ne avvìrte e te stùte chiane chiane!

Ù sàpime ca ‘a càrvunedde se stùte chiane chiane … ma mamete ognettande ‘acconze e ne mette ‘otre picche.

Vuje vè stutate!! None ‘a càrvunedde! … ma nò sapite ca ù gàsse cà spriggione jè dannose assaje?

Nàààà … ca cè vè a gàsse mòò?

Minghia à mammà … nòne ù gàsse … ù fùme cà jesse dà ‘a carvunedde jè anedride carboneche jè velenose assaje …

Nàààà e ci ‘ha sèndute maje stù fatte … àlberiche cattoleche … ognettande na nùvetà!

Vide cà ha ditte anedride carbone..che … jè nù gàsse speciale cà se fòrmene quanne brucie ‘nquacchecose!

E tu cà se tòtte stè cose … àccussì ‘ù stè dice?

Nò‘ssindite ognettande ‘a televisione ca ‘quacchedune ù jàchijene stecchite ijndre ‘a case piccè ‘ha scurdate cù cange ‘arie.

E sine! … ù sapime ca jè periculose ù fùme … mò màmete nonge sapeve accome se chiamave ù nome ‘ù fùme!

Nà … ù stè sapeve cà aveva passà sembre je pè ‘gnùrande!

Maaaa … nò ‘sse tratte dè ‘gnùranze, ma dè màncanze dè giùdizzie!

E ‘ggire e ‘vvuete sèmbre quidde jete! … ci nò stè ggiùdizzie stè ‘gnùranze …

E cà ci hama passà pì stòdeche sùle piccè nonge sàpime àccome se chiàmè ù fùme … … ànderido ‘ù carbone…che! … E pò … accome cazze se vò cù chiàmà chiàmè … sembre fùme velenose jete!

Appundo dico io! … ce vè còste cu appezzecate ù rèsaldamende? … viste cà ù tènite fàtte?

Miiinghia àù criature!! … cè ne còste? … ma ù sé a quande ha àrrevate ù gàsse de città … ‘otre picche nonge pùtime manghe cucenà!

Vabbeh, ma ci sindite fridde accussì ù pùtite appezzecà nù pare ‘ore e stèmbèrate à tèmbèrate!

Nonge avastene nù pare ‘ore, e pò gòmungue ù tenime nù picche appezzecate ‘a sere … quanne vèdime ‘a televisione, e tènime pure ù vraciere cù a carvunedde, … pò stùtame tòtte cose e ne scè curcame!

Apposte! … ma aprime aprite le fenestre e facite cangià ‘arie? … baste ca nonge vè stùtate vuje!

Naaaa … ma ce ne ste pìghije pè strùnze … o te pinze cà sime ‘à Ròcche? …

Maaaaà … ù sàcce cà face fridde … ma pùtite murè dè ‘cchiù ‘ù fùme cà ‘ù fridde!

E nò tte ‘ngazzà! … tande na vote hama murè … accusi diche je … quanne àttocche àttocche! … passe l’àngele e né pigghije apprisse!

E ci jete mò Jàngele?!!

Miiiinghija àù cristiane! … e po’ dice ca sò je à ‘gnùrande!

Mena mò … nò ‘vve ‘ngazzate! … Comungue mò je me ne vòche … e pèppiacere … fàcitele pè mmè … ògnettande aprite ‘a fènestre e facite cangià l’arie … vabbè?!!

Statte scùcetate … nò tte ‘ngarecà de nijnde … ce pènze je ‘a apprè ognettande!

Apposte papà … me vogghije cù fide de te! … Tijne ù pènzere … nò ‘mme fàcite assend’re nùvetà … cu nò quacchevvote hama scappà àù ‘spedale ca v’honne truvate ‘ntusseccate … cià … cià.

…….

Se n’ha sciùte?? … mè và a chiùde sta càvule dè fènestre cà stòca ‘ndoste p’ù fridde! … e po’ se pènze ce stàsere hama fà cangià l’arie … sarà ca tène ràscione … ma tànde ce mùrime cè cange? … a pàrte ijdde nò se n’avverte nisciune!

Penze propre cà na vòta tande è dijtte nà còsa giùste … mò vèdime ce stè stasere a stà càvule de televisione … ha rùmaste nù picche dè pàrmiggiane e dò pulpette … mò cenàme pùre e nò sse ne pàrle chiù! … ce vò ccù àvene Jangele cù àvene, … aquà stàme nùje!

Beh … ce nè dè nà vòce apprime … jè mègghije!

pepp’nest’